

Naschid'est

(canto tradizionale in sardo)

Naschid'est in sa capanna
poveritta de Betlem,
in sa notte pius manna
de su chelu s'altu Re!

*«Gloria, Gloria!» cantant in chelu
lughidos anghelos pro s'altu Re;
«Paghe e vittoria!» s'as bonu zelu,
anima povera, cantan pro Te.*

E in giru a sa domitta
de anghelos si falà
una truma beneitta
chi 'olende l'allumà.

«Gloria, Gloria!»...

E benian sos pastores
incantados crè no crè,
e a cussos resplendores
apuntan lestros su pè.

«Gloria, Gloria!»...

E narat dognunu in coro:
«Bambineddu, inoghe sò,
non ti atto pratta e oro
ma cust'anima ti do».

«Gloria, Gloria!»...

E tuccan de s'Oriente
cun s'istella sos tres Res:
l'adoran devotamente:
«Bambineddu, inoghe ses?».

«Gloria, Gloria!»...

E abertu su tesoro,
liberales li donan
cun inzensu, mirra e oro
e cuntentos s'icandhan.

«Gloria, Gloria!»...

E Zuseppe cun Maria
luminosos tottu in sè
li naran in s'allegria:
«Fizzu, tottu amus pro Te».

«Gloria, Gloria!»...

<http://zerfaliu.altervista.org>

Il portale sul paese di Zerfaliu

Altre canzoni alla pagina <http://zerfaliu.altervista.org/coro.html>